

572
1954/4



ღელა

„ღელა“ ტურჯაშვილი,
აღსანი, ივანე მხარგი,
და პეტე, ქართველი, სწავლითა
სამსახური გახატეს.“

№ 9 საბავთვო სკოა ცენტრალური კომიტეტის
შეჩარი შეიკრფილვაშეთათვის **სამხმმარი**
1954





მეც წამიეუანეთ სკოლაში

ნ. კილასონია

ზურიკო ჩემსე დიდი,
გულიკო ჩემსე მაღალი,
სკოლაშიც ერთად მიდიან,
წიგნები მიაქეთ ასალი.

დედოკო, თავი დამბანე,
მეც გამომაწეე ფორმამი,
რისთვის მასწავლე ანბანი,
თუ არ წამიეუან სკოლაში?

შეათვა

მზამან ლაზანიძე

ათი - თორმეტი წლის შეგვრემანმა გოგონამ ბოსტნიდან ინლაურები გადარეკა, ყორეზე მკვირცხლად შეხტა, შუბლზე ხელი მოიჩრდილა და გასძახა:

— გოგია, ჰაი, გოგია!..

ბოსტნის გალაენიდან მოჩანდა ისევ ბოსტნები და საკარმიდამო ვენახები, ვენახებს იქით ახალგაჭირილი ყანები, იმის იქით კი, რასაც თვალი გასწვდებოდა, მწვანედ დაღანებდა საძოვრები და შორეული მთებისაყენ თანდათან ლურჯდებოდა.

— გოგია, ჰაი, გოგია!..

არაეინ პასუხობდა. აღმართ-აღმართ ღრუბელივით შეფენილიყო ფარა. ბალახს მიიძოვდა ცხვარი. აქა-იქ კორტონებზე მეცხვარეები დაყუნტულიყვნენ, მაგრამ ყველა ისე პატარა ჩანდა, — ძნელი იყო გამოცნობა, თუ რომელი იყო გოგია.

გოგონამ მზეს ახედა. სადილობა ჯერ შორს იყო, მაგრამ არც ყანები იყო ახლოს. თუ მისი ბიძაშვილი გოგია მუქარას შესარულებდა და ჩვეულებისამებრ პირველ საათზე არ გამოუვლიდა თავისი ცხენით, სადილი ხელით გაუხდებოდა წასაღები მაიას.

ეგ — სადილი, საზამთრო კი...

საზამთროს წაღებაზე ლაპარაკიც ზედმეტი იყო უცხენოდ. ამის გაფიქრებაზე გოგონა საჩქაროდ ჩამოხტა ყორედან. ინლაურები ფეტვით შეიტყუა ფარდულში, ჯამ-ჭურჭელი იმ ვეება კალათაში ჩააწყო, რომელსაც ცხენს აპკიდებდნენ ხოლმე და, რადგან ყველაფერი მზად ჰქონდა, ისევ ყორეზე შეხტა:

— გოგია, ჰაი, გოგია!..



ნახატები გ. ფოსნიანილისა

* * *

გოგია გულღმა იწვა ბალახში და შეპყრებადა თეთრი ღრუბლის ნაგლეჯს, რომელიც ხან ცხერის მოყვანილობისა იყო, ხან ცხენს ემსგავსებოდა და ნელ-ნელა მიცურავდა მთებისაყენ.

გოგიას მოვალეობას შეადგენდა ასე მზარ-თეფოზე წოლილიყო დღის თორმეტი საათამდე. მხოლოდ დროდადრო მოენაცვლებინა ადგილი იმის მიხედვით, თუ საით გასწევდა ცხვარი, თორმეტი საათზე კი შეეკაზმა ცხენი და ბეებისთან ჩასულიყო, ყანაში სადილის წასაღებად.

ამ მოვალეობას გოგია გადაჭარბებით ასრულებდა, ესე იგი, თავისი სადილის გარდა მაიას სადილიც მიჰქონდა. ყოველდღე, მთელი არდადეგების მანძილზე, ზუსტად თორმეტი საათზე, გოგონა სოფლიდან ანიშნებდა, — დროაო, და ისიც დაქირავებულივით მიჰვერიადა ცხენს ქიშკართან. არც ზარალობდა ბიჭი: მაია აჩუმებდა ვეებერთელა ქოფაკს, რომელიც ქიშკრის გასწვრივ მავთულზე

6620





მობმულ ჯაჭვს დააქრიალებდა, შევიდოდა ბოსტანში და ორ საზამთროს გამოიტანდა: ერთს — დიდს, ყანაში წასადებად, მეორეს — მთლად პატარას, სანახევროდ შესაქმელად.

მაგრამ, აგერ, მთელი ორი კვირაა, მაიას აღარ გამოაქვს საზამთროები — არც დიდები და არც პატარები. ის ნაკვეთი თვითონ მისი დამუშავებულია და იმდენად გზდიდგულდა, რომ გუშინ დასათვალიერებლადაც კი არ შეუშვა შიგ გოგია.

აიკიდოს, თუ აგრეა, თავისი კალათი და იაროს ამ სიცხეში იმ სიშორეზე. არც მაგისი საზამთროა საჭირო და არც მაგისი ჯამ-ჭურჭელი!

მზე მოამდლებულიყო. სოფლიდან გაბმული ძახილი მოისმა.

„აჰა, მეძახის! — გაიფიქრა გოგიამ, — გაწრუწუნებ თუ ბიჭი ვარ!“

ჩაღისფერ ცხენს წაეპარა და თოფრა უჩვენა. ბებერმა ცხენმა გამოცდილებით იცოდა, რომ თოფრაში არაფერი იყო, მაგრამ ისიც კარგად ესმოდა, რომ სოფელში ჩასვლა და ყანაში სადილის წაღება არ ასცდებოდა, ამიტომ თავპატრიკი არ გაუღვია, — უმალ ჩაპყო შიგ დრუნჩი.


* * *

სადილი მზად დაახვედრა ბებია; გოგიამ თვითონაც ისადილა, კალათები კეხს გადაჰკიდა, ჯიბეები ქერმით გამოიტენა და გზას გაუღდა. წინ მიდიოდა ცხენი,

გოგია უკან მიჰყვებოდა. შარას მაიას ქიშკართან უნდა გაეცლო, ბიჭი აუჩქარებლად შეექცეოდა ქერამს და ფიქრობდა, თუ როგორ „ეწრუწუნებინა“ მათ. ჯერ იფიქრა, სულაც გადაეხვია დიდი გზიდან და არხის გასწვრივ ევლო, შემდეგ გადაწყვიტა, რომ, პირიქით, სჯობდა ზედაც არ შეეხებოდა ძუნწისათვის და ასე ჩაველო მისი ქიშკრის წინ.

მაგრამ მათა თავის ბარგიანად გზისპირას ჩასაფრებულს, ხოლო ცხენს, რომელსაც ძალიან უყვარდა საზამთრო (რათქმა უნდა — ქერქი!), არ გამოჰპარვია გაჩერების ადგილი, ჩვეულებებისამებრ ნაბიჯს უკლო და ქიშკართან ვეება კოპიტის ჩრდილში ფეხი მიასვა.

— ჰაიტ! — საჩქაროდ შეუტია გოგიამ და სახრე გადაუჭირა. ცხენმა ფეხი არ მოიკვალა. კიდევ გადაუჭირა სახრე. ცხენმა ყური შეაპანტურა მხოლოდ და კერად გახვდა ქიშკარს: მისამართი ხომ არ შემეშალაო. არა, ბებერ ცხენს არ შეშლია მისამართი: მის წინ იყო მათა — ნაცნობ წითელ კაბაში, მის წინ იდგა ნაცნობი წნული კალათი ჯამ-ჭურჭლით გატენილი, მაგრამ საზამთრო აღარ იყო ნაცნობი. ჭრელი და პატარა კი არ იყო, როგორსაც წინათ აჰკიდებდნენ ხოლმე, არამედ შავი და გეგებერთელა — ასე, თა-



ვისივე ჩამობერილი მუცლის ოდენა ვოლიათი.

— აბა, დროზე! — თქვა გოგონამ და კალათას დასწვდა, თან თავის დაქნევით ანიშნა: გაინძერი, კალათის აკიდება მიშველეო.

ეს ყველაფერი მაიამ ისე მოიმოქმედა, თითქოს თვითონ ყოფილიყოს გოგიაზე ნაწყენი. გაუკვირდა გოგას, მაგრამ უფრო მეტად საკვირველი იყო ეს ვეებერთელა მოლურჯო საზამთრო, რომლის მაგვარი ბიჭს არაფერი ენახა.

— რამ გაგაშტერა, ბიჭო? გაიგონე, რა გითხარი?

გოგია ღუმდა. მას ჩაეშალა ყველაფერი, რაც გუშინდელს აქეთ მოიფიქრა, და ახალი ვერაფერი გადაეწყვიტა.

— გავიგონე, — თქვა მან ბოლოს, — იმან გამაშტერა, რომ ეგ საქმე არ გამოვა.

— რა არ გამოვა?! — წარბი შეპყარა გოგონამ.

— მაგას ჩვენ ცხენს ვერ ავკიდებთ... კიდევ რომ ავკიდოთ, ვერ ზიდავს... მოუხერხებელია...

— მაშ, რა ვქნათ?


ორივე ჩაფიქრდა; გუშინდელმა დამღურებამ თითქმის ჩაიარა და მთავარი ახლა საზამთრო იყო.

— ურემი, — თქვა გოგიამ, — დროზე ურემი გამოვიტანოთ...

ისინი აჩქარებით შევიდნენ ეზოში და ფარდულიდან, სადაც ათასგვარი რკინეული ეყარა, ძველი, მაღალბორბლიანი ორთავლა გამოათრიეს.

* * *

მთელს გზაზე ბავშვები ღუმდნენ. გოგია იჯდა წინ — კოფოზე, გოგონა კი



საზამთროსა და კალათებს უკან მიყუყუელიყო. გოგია ფიქრობდა მაიას საზამთროზე, რომელიც მის უკან, ორთავლაში ოდნავ ირწვოდა, რადგან მთელი ძარი გავესო და საგორავი ადგილი აღარ ჰქონდა. „შეიძლება თუ არა ამხელა საზამთრო არ აღმოჩნდეს სისხლივით წითელი?“ — ფიქრობდა ბიჭი.

მაიაც ფიქრობდა, მაგრამ იგი ფიქრობდა მხოლოდ ერთზე — რამდენს აიწონიდა და რა შთაბეჭდილებას მოახდენდა მისი ამდენი ხნის ნაშრომი, ბრიგადისადმი მიძღვნილი საჩუქარი.

ერთი საათის შემდეგ მტვრიანი შარავზა დასრულდა და ორთავლა ყანაში მიგორდა. ცხელოდა. ყანისპირზე ჩრდილში შეფარებული ბრიგადა სადილობდა. გოგიამ ორთავლა ხესთან მიაგორა და გადმოხტა. ჩამოცურდა ურმიდან მაიაც. ორივე კალათებს დასწვდა.

ზოგს უკვე მოეთავებინა სადილობა, ბავშვებმა იგრძნეს, რომ დაავციანეს და საყვედური არ ასცდებოდათ. საჩქაროდ მიიტანეს სუფრაზე კალათები და ურმი-

საკენ გაბრუნებას აპირებდნენ, რომ ვი-
ლაცამ ვაკვირვებით შესძახა:

— ხალხო, აქეთ მოდიო! ხალხო...

ორთვალასთან გოგას ღები იღგენ.

— ეს საღა იშოვე, ბიჭო?

— მაგისია. — თავი გაღიქნია ბიჭმა
მაიასკენ.

გაწითლებულმა მაიამ თვალი შეაღებდა
ჯერ გოგას ღებს, შემდეგ სუფრიდან
აშლილ და ორთვალასთან მოგროვილ
ქალებს; ბოლოს მიაჩერდა ღელას, რო-
მელიც ეს ორი კვირაა სამკალში უთე-
ნია გასული შინ გვიან, დაბინდებისას
ბრუნდებოდა და მაიას ბაღა აღარც კი
ახსოვდა.

ახსურდნენ ქალები, სათითაოდ გადა-
ჰკოცნეს მაია, შეაქეს, ბუმბერაზი საზამ-
თრო კი მოღზე დააგორეს და ვეებერ-
თელა დანა გოგას გაუწოდეს.

მაშინ კი წინ წამოდგა ხანშიშესული
აგრონომი, რომელიც აქამდე ჩაფიქრე-
ბით დასცქეროდა საზამთროს.

— არ გაბედო! — თქვა მან. — არ გა-
ბედო მაგის გაჭრა!

ყველა გაცემბით მიაჩერდა აგრონომს.

ის მიუახლოვდა მაიას,
მხარზე ხელი დაა-
დო, ქალებს თვალი
მოავლო და საზეიმოდ
თქვა:

— მთელ გაზაფხულს
დადიოდა მაია ჩემთან.
ესაუბრობდით საზამ-
თროს ჯიშებზე, ნია-
დაგზე, სასუქებზე... მე-
გონა სკოლაში სჭირ-
დებოდა ეს ყველა-
ფერი. მაშინ არაფერი
უთქვამს თავის გან-
ზრახვაზე. ყოჩაღ, გო-
გონა! ეს საზამთრო
მოსკოვში გავგზავნოთ,
ხალხო, მაია სასოფ-

ლო-სამეურნეო გამოფენის კანდიდატი...
ტია!..


* * *

ნასადილევს ბებერმა, ჩაღისფერმა ცხენ-
მა საზამთრო ისევ მაიას ჰქოცარს მიაყე-
ნა. ნახევარ საათში სოფლად პიონერებ-
მა უკვე იკოდნენ გოგონას ამბავი. თა-
ნარახმეღლებმა უსაყვედურეს მაიას; რად
გვიმაღავდი, თუ ასეთ საქმეს აკეთებდი,
ჩვენც ჩავკვირვებდი და გიშველიდითო;
მაგრამ გაცემბას და სიხარულს ვერ მა-
ლავდნენ: შრიალებდა ეზოში შალაშინი,
იხერხებოდა ფიცრები. აგრონომი ხელ-
მძღვანელობდა პატარებს.

საღამო ხანს პრილა ფიცრის გაღაი-
ში მოათავსეს საზამთრო — გოლიათი.
სწორედ ისე, როგორც ზოოპარკში სპი-
ლოები არიან ხოლმე მოათავსებულნი რკი-
ნის ჩარჩოებში. ფიცარზე ეწერა: „ნორჩი
ნატურალისტი — მაია ციციშვილისაგან“.
იმ დამეს იგზავნებოდა მოსკოვში რაიო-
ნის ექსპონატები სასოფლო-სამეურნეო
გამოფენისათვის. მთელმა პიონერულმა
ორგანიზაციამ გააცელა მაიას საზამთ-

რო. გასრიალდა გო-
გას ორთვალა აერო-
დრომისკენ, მაია კი
შებრუნდა ბაღში, გა-
დათვალა თავისი ბუმ-
ბერაზი, ჯერ კიდევ
საზრდელი საზამთრო-
ები... მერ მთელ და-
მეს თვალი არ მოუხუ-
ქავს: თვალწინ ეღდა
მოსკოვი, სასოფლო-
სამეურნეო გამოფენის
პავილიონები და მოს-
კოველი პიონერები,
რომლებიც კმაყოფი-
ლებით შეწყურებდნენ
გამოფენაზე მაიას მო-
ყვანილ გოლიათს.





ი. ზაქიძე

პოლონელი პოეტო

ნახატები ქ. მახარაძისა

ორთქლმავალი

სადგურზე დგას ორთქლმავალი,
მამლარია, სუნთქავს ხარბად.

ქორფლიანი,
ოფლიანი

აღბათ მახუთს დაეწაფა!

დგას, ქსუტუნებს ღიბიანი,
ობრაის,

ქშინავს,
სუნთქავს შიშიმედ,

შეუ სხეულზე ორთქლის ცვარი
ალაგ-ალაგ დასციმციმებს.

ღიბით ქშინავს ვეგებრთელა,
ეტყობა, რომ ძაღვს სცხელა.

ბუჰ — რა მცხელა!

უჰ — რა მცხელა!

პუჰ — რა მცხელა!

უჰ — რა მცხელა!

არაქათი არ აქვს, ქშინავს,

შეეპარა ხმაში ხრინწი!

— ეს რა მიქნა ქვანახშირმა,
მისი ცეცხლის აღით ვიწვი!

ღიბს უფსებენ ქვანახშირით,

ვერ აძლებენ ღორმუცელას.

ისმის მისი სუნთქვა ხშირი:

ბუჰ — რა მცხელა


უჰ — რა მცხელა!

მრავალ გზაზე ნაგორები,

საესე მრავალგვარი ტვირთით,

გამოაბეს ვაგონები —

გლეხის სახლზე უფრო ღილი!



ფოლადის და მარტო რკინის,
(არ სჭირდება გამაგრება).

ისე არის ვატენილი, —
ნემსიც კი არ ჩავარდება!

ერთ ვაგონში ცხენებია,
მეორეში — ძროხებია,
ყელი მოუღერებიათ,
გული მოუოხებიათ!

მესამეში ექვსი ძია
და სუყველა მსუქანია,
ყველას როგორ შიგბიათ,
ლორს სჭამენ და უხბიათ!

მეოთხედან — დანანებით
შეგვეტყერიან ბანანები!..
მეხუთეში — მგლოვიარე
მოჩანს შვიდი როიალი!

მეექვსედან — შემზარავი,
იმზირება ზარბაზანი!
მეშვიდეში — სკამებია,
მაგიდები, კარადები...
მერვეში კი არევიათ
ჩემოდნები კალათები...

მეცხრეში კი დათუნია.
რალაც საქმით გართულია.

იქვე ხუთი ყირაფია
კისრით ცისკენ ისწრაფიან

მეათეში — ღორებია,
ღორმუცელა ღორებია,
კასრი გაღუგორებით,
სალაფავი ჰგონებით!



უჭ, რამდენი ვაგონია,
ვთვალე,
ვთვალე,
ვერ დავთვალე,
ან რით არის დატვირთული,
ვერ გავიგე, გენაცვალე!
და რომ უცბათ ჩვენთან გაჩნ-
დეს

ახლა ასი გოლიათი,—
ას მათლათა ბოზბაშს ვაქმევთ;
დავუმშვენებთ სუფრას თართით.
ქოთნით მივცემთ ლობნოსაც,
ძალით ვაქმევთ შოთის პურებს,
წინ დავუდგამთ ლამაზ სურებს
და გულს ღვინით გავუხურებთ...

დაპურების შემდეგ ყველა —
რომ ეძვეროს ამ ვაგონებს,
ერთი კაცის ნაბიჯზედაც
ვერაფინ ვერ გააგორებს.

რაგინდ ძლიერ მხარი გაჰქრან,
მთელის ძალით, რაგინდ მძაფ-
რად,
მათი ღონის მჯერა, მაგრამ
აღგილიდან ვერვინ დასძრავს.

ისე მძიმე ტვირთი არი,
რომ ვერ დასძრავს ძალა მათი,
უსათუოდ გაწბილდება
ჩვენი ასი გოლიათი!

.....

უცბათ, ერთი დაისტვინა
და ავარდა ცაში კვამლი,
ტანზე ოფლი დაედინა
და დაიძრა ორთქლმავალი
დაიქშინა,
აქსუტუნდა,
ჯერ კუსავით იწყოა ცოცვა.
უფრო მძაფრად აგუგუნდა
და ნაბიჯიც გააცოცხლა!
წინ წასწია ვაგონები
და ბორბლებიც დატრიალდნენ:
— „ნურაფრისა გეფიქრებათ,
გზა ვერ დაგვდლის სატიალე!“



ორთქლმავალმა სვლას უმატა,
გაიღვარა, გაიოფლა:
— კარგი მადა!
— კარგი მადა!
— კარგად ყოფნა!
— კარგად ყოფნა!
— საღ იჩქარის, საღ იჩქარის?
— უნდა ნახოს ქალაქები!
მიჰქრის, როგორც ქარიშხალი.
ხმაურით და გალაღებით!

ექჩარება, რა ხანია,
მატარებელს საგზურიანს,
კიღევ ბევრი ბაქანია,
კიღევ ბევრი საღგურია!

დროზე მისვლა უნდა ყველგან,
საღგური კი მფორდება,
კიღევ ბევრი ელოდება,
მოხუცი და ცეროდენა!

გაიქროლებს მრავალ გვირაბს,
უკან რჩება ტრამალები.

— რა სწრაფია?... — უკვირს
ვირაფს, —
როგორ მიჰქრის გამალებით!

ახლა უკვე ხილზე მიჰქრის,
შორი-ახლოს ქიუხია!
დათოვლილი მთების იქით
ხეობაში მიუხვია.

თითქოს ბურთი იყოს მართლა,
არც ფოლადი და არც რკინა.
დატრიალდა ისე მარღად,
ისე სწრაფად გაირბინა!

თითქოს მართლა იყოს მჩატე —
მუყაოსგან ნაკეთები,
ისე არბის ღიღ აღმართებს
ხმაურით და დაფეთებით.

ისე მიჰქრის, თითქოს იყოს
სამი კილო მისი წონა!
— რისი სამი-ოთხი კილო,
აიწონის ათას ტონას!

— მაგრამ, იცი ვინ უბიძგებს?
რისთვის არის ასე მალღი?




ნეტავ ძალას რისგან იკრებს
სწრაფზე-სწრაფი ორთქლმავა-
ლი?!

— ორთქლით!

— ორთქლით!

ორთქლი ბრუნავს
გაბერილი მუცლის ღრუში,
მიღებიდან დიდებულად
ორთქლი მიდის სწრაფად
დგუშში.

და დგუში კი ამოძრავებს
თან ბიძგს აძლევს შემდეგ
ბორბლებს,



ბორბლები კი მიაქროლებს
მატარებელს — მახარობელს!

ბორბლები კი ტრიალებენ,
არასოდეს იღლებიან,
ლიანდაგზე გრიალებენ,
ნაჩვენებ გზას მიჰყვებიან.

ორთქლმავალის გულს კი გააქვს
განუწყვეტლად ბაგა-ბუფი,
სადარდელი ბორბლებს რა
აქვთ:

— ტაკ-ტუკი!
ტაკ-ტუკი!

ბრიყვი ბიჭი იანუკი



მე ერთ ბიჭუნას ვიცნობდი,
მისხალი ჭკუა არ ჰქონდა.
სულ კისერმოღერებული
უმისამართოდ დაჰქროდა.

ქიდან საცრით წყალს „იღებდა“
გაშტერებული თვალებით
და მჭედელს ევედრებოდა
კატის დაჭედვას ნალებით.

კოლოს ნაჯახით დასდევდა
და მკლავი ჰქონდა მგაარი,
დიდ ტყეში შეშა შეჰქონდა,
და სახლში კიდევ — ნაჯავი.

ზამთარში ყინულისაგან
სახლს აშენებდა პატარას,



თანაც ამბობდა: „ზაფხულში
აჯობებს ყველა აგარაკს“.

პაპანაქება სიცხეში
მალა მზეს სულს უბერავდა,
თევზებთან მიაქროლებდა
ღვინით ავსებულ ხელადას.

ჯაფისგან დალოილ ცხენებთან
სკამი მიჰქონდა შინიდან,
და წაბლა ძროხას კაზმავდა
მოვერცხლილ უნაგირითა.

თუმანიანს ცვლიდა აბაზში,
ბევრიც აღმოჩნდა „მსურველი“;
მოკლედ რომ მოეპკრათ, ბიჭუნა
იყო ბრიყვი და სულელი.

თარგმანი რევაზ მარგალიანი

ხოსიტას კაკალი



კოლმეურნეობის ბრიგადირმა ბიძია ღემეტრემ შვის გადახრისას დაიწყო სამხადისი ცხერის ბინიდან სოფელში წასასვლელად.

გამოხა ურემი, უღელს ტაბიკები და აწეურები გაუსინჯა. ვალიკოც ეგზარებოდა ბიძის ურმის დატვირთვაში. აწოდებდა ტომრებს, ყველის გორგოლებს და სხვადასხვა ნივთებს, რაც ბინებიდან სოფელში იყო გადასატანი. მერე ჩაფით სამგზავრო წყალიც მოიტანა და საძვე ქურქელი კოფოსთან ახლოს ჩაღო.

ვათეგებისას ღემეტრემ ურემს კამეჩები შეუბა. დასვა ზედ მძისწული, გაუღდა გზას სოფლისაკენ. ვალიკოს ექაჩებოდა შინ დაბრუნება. უკვე სამი კვირა იყო, რაც არ ენახა ღედ-მამა, და-მამები. სკოლაში წასვლის დღეც ახლოვდებოდა!

ბინიდან სოფელამდე დიდი მანძილი იყო ვასავლელი. გზა სიკვით ვალატრუსულ მინდორზე მიდიოდა. არსად ბუჩქი, ხე, ტყე და წყარო, კამეჩები მარჯვენდ მიაგორებდნენ შიშვე ურემს. ღემეტრე კოფოზე იჯდა, ხელში სახრე ეჭირა და ურმულს ღიღინებდა. მალე ძალიან დაცხა. შვის მძლავრი სინათლე ვალიკოს თვალს არ ახელინებდა. თვალდასუქული ეუბნებოდა ღემეტრეს მომახილს. შუადღისას თითქმის ნახევარი გზა ჰქონდათ გაველილი; ვალიკოს მოშივდა და ხურჯინში ხელი ჩაჰყო.

— მოითმინე! — შეეხუქა ღემეტრე, — მალე ხოსიტას კაკალიან მივალთ, იქ ჩრდილში კამეჩებიც გამოვუშვით, ჩვენიც დაწაყარდით.

ვალკომ დაუჯერა ბიძის, მალა, ქალების წყურთან ავიდა. ბარგზე ჩამოჯდა, ხელი მოიჩრდილა და გახედ-გამოხედდა მინდორის. მცირე ხნის შემდეგ გზაზე შეჩინა ძალიან დიდი, შავი ბურთის მგავსი რამ.

— ძია, რა არის 'ის' შავი?



— სწორედ ის არის ხოსიტას კაკალი. — მიუჯო ღემეტრემ. კამეჩებმა თითქოს დასასვენებელი ადგილის მოახლოება იგრძნეს, ფეხს აუჭქარეს, გააქროლეს ურემი; უკან რჩებოდა გრძელი გზა და მტკიცის კორიანტელი. მიიტანეს ტვირთი ხესთან და დადგნენ. ღემეტრემ ურემი გზის პირას, განზე დააყენა. პირუტყვები გამოუშვა. წყალი დააღვინა. კაკლის ჩრდილის კედელში თივა დაუსყარა. მერე ხურჯინი

გადმოიღო ურმიდან. კაკლის ძირში მიწაზე ქალაღლი ვაფინა, ზედ ხურჯინიდან ამოღებული პური, მარილი და მოხარშული ცხერის ხორცი დააღაგა. შეუღვინენ სადილს.

— ძია, რად ჰქვია ამ ხეს ხოსიტას კაკალი? — იკითხა ვალიკომ.

— იმიტომ რომ ხე ხოსიტამ დარგო.

— ვინ იყო ხოსიტა?

— შეველე და მეცხვარე ყოფილა. აქ ბინა ჰქონია. ამ ადგილას ერთხელ კაკალი დაურგავს. ნორჩ კაკლის ხეს ძძებებიც მოულობა, რომ საქონელს არ დაეზიანებინა. გახრდილა ხე. მას შემდეგ ამ გზით გამოვლელ-გამომვლელი მის ჩრდილში ისვენებენ.

— თქვენი გინახათ ის კაკო, ძია?

— არა, მე კი არა, პაპანემიც არ მოსწრებია, დიდი ხნის ამბავია! ამ ღროს სატვირთო მანქანა გამოჩნდა გზაზე, დადგა კაკლის მახლობლად. მანქანა სოფლიდან ცხერის ბინისაკენ მიდიოდა. კოლმეურნეები მიჰყავდა. ისინიც ჩამოვიდნენ ძირს, გამოესაუბრნენ ღემეტრეს, გაშალეს სუფრა; კოლმეურნეები მადლობით იხსენიებდნენ ხოსიტას, რომელმაც ეს ერთი ძირი ხე დარგო იმ ტრიალ მინდორზე.

ვალიკო დიდხანს ფიქრობდა, რამდენ გამოვლელს უნდა მოეხსენებინა ხოსიტა მადლობით. კაკალი ხომ ასზე მეტი წლისა იქნებოდა.



პაწაწინა ლექსები



ამირანის სრამულა

მაქროს თავი მობაფსრბ
ამირანის სმაურმა,
იკვხნიდა, ანკესით რომ
დაიჭირბ სრამულა...
მაკიდასე დაწწენოდა
ფისომ შეახრამუნა.



ღრუბელი

ჭეჭა-ქუხილი რომ ვიცი,
არგის ეგონოს მუქარა,
მსურს გავაღვიძო
ღობისმიწს
მიძინებული უქნარა.



ფუტკარი

ზაზანაქება საფსული
შრომაში გამოვატარე,
სამთრისთვის სარწოც
ვიმოფნე,
შირიც წაფუტკებე ზატარებს.

წამთარი

მოგდივარ, მომიხარია,
მომაქუს თოვლი და ციგები,
ზატარებს უფრო ვუფვარვარ,
მათი მძობილი ვიქნები.



ბ. ნოპომგალსკი

„დიდი მარგალიტი“

მეზღაურის ნამზობი

ოკეანის კუნძულებზე ვიმოგზაურე. ეს კუნძულები აქედან ძალიან შორს არის, იქ ასობით პატარ-პატარა მარჯნის კუნძულია და ყველგან პალმები და ბანანები ხარობს. ძლიერ მდიდარი ბუნებაა, მაგრამ ხალხი გაქირავებით ცხოვრობს. მიწები ამერიკელმა და ინგლისელმა მდიდრებმა დაიტაცეს, ადგილობრივი მოსახლეობა კი შიმშილობს.

ოკეანელი ნკუენგი, რომლის ამბავიც მინდა მოგიხსნათ, თავის მიწა-წყლის მცხოვრებთა შორის ყველაზე უკეთ ცხოვრობდა. ქოხი ზღვის პირას ედგა. მისი ავლადიდება იყო ორი ქოქოსის პალმა, პატარა ბოსტანი და ტმასნია, რომელიც განთქმული იყო მთელს კუნძულზე.

ალბათ იკითხავთ, რა არის ეს ტმასნია? ტმასნია ქაშაყისოდენა ფხიანი თევზია, საქმელად იმდენი არაფერია, მაგრამ ერთი შესანიშნავი თვისება აქვს: იგი ზურგის ფარფლით ისე მიეკვრება რაიმეს, რომ ვერ ააცლი; მიეკვრება გემის ფსკერს და მუქთად მგზავრობს ზღვებსა და ოკეანეებში. ბევრი გემრიელი ნამცეცეც შეხვდება ხოლმე, როდესაც მზარეულები ხომალდიდან ნარეცხს ღვრიან.

ტმასნია მარტო ხომალდის ფსკერს როდი ეკვრის. ნათელთევზა თუ შემოხვდა, იმასაც მიეტმასნება და მის ხარჯზე საზრდოობს. ოკეანელებმა ეს თევზები თავის ხელქვეითად აქციეს. ნკუენგს, მთელს სანაპიროზე, ყველაზე ღონიერი ტმასნია—ფალავანი ჰყავდა და მას „დი-



დი მარგალიტი“ დაარქვა, ნახევრად ჩადირულ ნავში ინახავდა, ჭიაყელებით და მატლებით კვებავდა.

სანამ კუნძულზე ვცხოვრობდი, მე და ნკუენგი სწირად ვთევზაობდით. მეტად საინტერესო იყო ტმასნიათი ნაღირობა: რიქრაჟზე ვდგებოდით ხოლმე, როდესაც ზღვა დაწყნარებული იყო. აგერ, ნკუენგს ხელში ქოქოსის ბოქკოსაგან დაგრეხილი წვრილი და მაგარი თოკი უჭირავს; ჩვეულებრივი თევზის დაბმა ხომ ძნელია,—ის სლიპია და ხელში სრიალებს, ტმასნიას კი ზურგზე ფარფლი

კუზივით აქვს. ნკუენგმა მარყუჟი ზურგზე და მუტლის ქვეშ ამოსდო და განასვეა. თოკი თევზს ცურვაში ხელს არ უშლიდა, ხოლო გაშვებით კი არსაით უშვებდა. ნკუენგმა აღვირი ამოსდო „დიდი მარგალიტს“, ახალი წყლით საფსე კასრში ჩაავლო და ამ კასრიანად ჩაესხედით ნავში.

წყალში ათასნაირი თევზი ცურავდა, მაგრამ ყურადღებას არ ვაქცევდით, მსხვილ დავლას—ზღვის კუს ვუცდიდით, რომლებიც სასაძილო მაგიდისოდენები არიან. მათი დაქერა მეტად სახარბიელოა. ამ კუს ხორცი და ჯავშანი ძვირად ფასობს. „დიდი მარგალიტი“ ნამდვილი ოსტატი იყო ასეთი კუების ქერაში.

უცებ, ვხედავთ, ნაკვეშ თევზს უზარმაზარი კუ მოსდევს. ნკუენგი კასრს მივარდა, ტმასნია ზღვაში გადაუშვა და თოკს საჩქაროდ დაუწყო ამოხვევა.



„დიდმა მარგალიტმა“ წყალში ჩაყვინთა, მიუახლოვდა კუს და თვალს მიეფარა; ნკუენგის თოკს რაღაც მიმიმდ მოჰყვება, მაშ, „დიდი მარგალიტს“ საქმე უკვე გაუყვებია: კუს მიეტმასნა და ბუჭირზე მოჰყავს!

მეც მივეშველე ნკუენგს,—უზარმაზარმა კუმ წინააღმდეგობა ვეღარ გავცივია. ამაოდ ცდილობდა გაქცევას.

ჩვენ არხეინად მოვწვიეთ ნადავლი ნავისაკენ. კუს თათზე მარყუჟი ჩამოვაცვივით და ნიჩბები მოუუსვით. ნაპირს რომ მივეუახლოვდით, კუ გამოვიყვანეთ და პირაღმა გადავებრუნეთ. ასეთ მდგომარეობაში მას გაპარვა აღარ შეეძლო. ნკუენგმა ტმასნია კუს მოაშორა და ისევ კასრში ჩაუშვა.

ასე ნადირობდა ჩემი მეგობარი ოკენელი.

ტმასნია მას არჩენდა და საწყალი ოკენელისათვის ეს მთელი სარჩო-საბადებელი იყო.

ერთხელ ქოხს თერთი ადამიანი მიუახლოვდა, ეს მდიდარი, უსაქმური ამერიკელი თევზის ქვრიით ირთობდა თავს.

—შენ ეი, შეეტუხა! —უთხრა ამერიკელმა ნკუენგს. —ამბობენ, რომ ისეთი ტმასნია გყავს,—თვით ეშმაკის ამოყვანაც კი შეუძლია ჯოჯოხეთიდანო. აბა, ერთი მაჩვენე!

ნკუენგი მორჩილებით წამოდგა და მიიყვანა ნახევრად ჩაძირულ ნავთან, სადაც მისი „დიდი მარგალიტი“ დგაფუნობდა.

ამერიკელმა გულგრილად დახედა თევზს, გადაფურთხა და ჩაილაპარაკა:

— რა სერიი იქნება, როდესაც ბოსტონში!) მოეუყვები, თუ როგორ ვიჭერდი კუებს.— მერე ნკუნენგს მიუბრუნდა:

— რა მოგეცე ამ უფარგის თევზში?
— არა ვყიდი, ბატონო.

ოკეანელის პასუხით განრისხებულმა თეთრმა ბატონმა წინ წაიწია და მუქი შეკუშმა.

— რაო? შე შეტუხა ძაღლო, როგორ მიბედავ უარის თქმას?! მე გეკითხები: რამდენი მოგცემეთქი მაგ მყარალ-თევზში?

— ეს მე ყველაფერს მირჩენია არ ვყიდი ამას, ბატონო.

— მაშე ვერე?!— ამერიკელი მივიდა დაჩვეტილი ნავთნ და ერთი დარტყმით გაღმობარუნა; დაღვრილი წყალი ფართოდ გაიშალა ნაპირზე. „დიდი მარგალიტი“ ქვიშაზე შეფართხალდა.

განცვიფრებისაგან გაშტერებული და დაბნეული ნკუნენგი მივარდა თევზს, მაგრამ აქაც ამერიკელმა დაასწრო, თავისი მძიმე ჩექმა დააღდა „დიდ მარგალიტს“, და ვასრისა... ყველაფერი გათავდა...

ნკუნენგი თვალს არ უჯერებდა, დაიხარა და ტმანინას ამერიკელის ფეხი მოაცილა, ამერიკელს ფეხი აუცურდა, წონასწორობა დაკარგა და ქვიშაზე ზღარ-თანო მოიღო.

... შემდეგ რა მოხდა, ნკუნენგს არ ახსოვს. ამერიკელმა სეტყვისავით დაუშინა წიხლი და მუშტები. ნკუნენგი გრძობდადაკარგული დაეცა. იმ დამეს პოლიციელები მოვიდნენ და ნკუნენგი ციხეში ჩააგდეს. შემდეგ კი გაასამართლეს: „თეთრი ადამიანის შეურაცხყოფისა და მკვლელობის ცდისათვის“.

როდესაც ოკეანელმა განაცხადა, რომ ის მხოლოდ და მხოლოდ ამერიკელის ფეხს შეეხო, ინგლისელმა მოსამართლემ შენიშნა:

— ეს სავესებით საკმარისია. დიდი დანაშავე ხარ: შენ გაბედე და ხელი აღმართე თეთრ ადამიანზე!

ნკუნენგი კატორღაში გაგზავნეს. იგი კუნძულზე აღარ დაბრუნებულა.

თარგმანი ნინო თოფჩიშვილისა



1) ბოსტონი—ქალაქი ამერიკაში.





ლოკ სულსენჰაილი

ნახატები მ. ჩიჩინაშვილისა

უფკაირო, თაჟლი მოგასი

ეს მოთხრობა პრემიერებულია საქართველოს სსრ განათლების სამინისტროსა და საქართველოს ალკე ცენტრალური კომიტეტის მიერ გამოცხადებულ საუკეთესო საბავშვო ნაწარმოებთა კონკურსზე 1954 წელს.

აივანზე გამოსულ მზიას აღერსიანად გაუღიმა მზემ. მზიამაც შესცინა მშვენიერ მაისის დილას. ყველაფერი უჩვეულო იყო მისთვის: ქალაქის უზარმაზარ შენობებთან შედარებით კრამიტით დახურული პატარა სახლები სათამაშოებს წაგადენენ, აი, იქ რუ მიიმღეროდა, აქ ვარდი ჰყვავდა, ავერ იქით ბატის ყვირელი ჭუკები ჭუკუშალაობდნენ გუბეში, შორიახლოს კრუნი თავის დაბუა წიწილებს დასტრიალებდა.

ყველაფერი უნდოდა ენახა მზიას, ყველაფერს ხელით შეხებოდა, განსაკუთრებით კი მწვანე მოღზე ჩამწკრივებული სკები იზიდავდა, რომლებსაც აუარებელი ფუტკარი ეხვეოდა.

— ის ვისი სახლებია, ბები? — თითი გაიშვირა მზიამ სკებისაკენ, — რატომ ეხვევა ამდენი ბუზი?

— ის ბუზები კი არა, ფუტკრებია, — გაცინა ბებიას, — აი, შენ რომ ძალიან გიყვარს თაფლი, ისინი აგროვებენ იმ სახლებში სახამთროდ.

მზია ჩაფიქრდა. მას მართლაც ძალიან უყვარდა თაფლი.

— მაშ, ის სახლები თაფლით არის სავსე? — იკითხა მზიამ.

— ჰო, შეილო, მაგ სახლებში თაფლია, — უპასუხა ბებიამ და ოთახში ფუტრიალდა, — შორს არსად წახვიდე, ახლავე გამოვალ.

მზია ნელა დაეშვა ქვის კიბეებზე და, როგორც კი მიწას ფეხი დაადგა, სკები-საკენ მოკურცხლა. ასეთი სახლი მზიას ჯერ არასოდეს ენახა. არც კარი ჰქონდა, არც ფანჯარა, არც კიბე, არც აივანი. ვერც შიგ ჩასახედი ნახა და ვერც თითის შესაყოფი. მხოლოდ ერთ ადგილას პატარა ხვრეტილი ჰქონდა ამ უცნაურ სახლს და იმასაც ვერ მიუღვებოდი. იყო ერთი ბზული და ორომტრიალი. ერთი ფუტკარი შეფრინდებოდა, მეორე გამოფრინდებოდა, მზიას კი არც ერთი ყურადღებას არ აქცევდა. შეწუხდა მზია. აღარ იცოდა, როგორ მისწვდომოდა თაფლს.

ბოლოს მზიამ ასეთ ხერხს მიმართა: თავი უკან გადაიგდო და ფუტკარს მოკრძალებით შეეხვეწა:

— ფუტკარო, ჩემო კარგო ფუტკარო, მაქამე ცრტა თაფლი.

— ბზხ! ბზხ! — დაიბზუვლა ერთმა ფუტკარმა, — ვერა ხედავთ ამ მცონარას? ჩვენ დილიდან საღამომდე ვშრომობთ,

ზამთრისათვის საყვებს ვიშნადებთ და ეს
კი მოსულა და თაფლსა გვთხოვს.

მზიას არ ესმოდა ფუტკრის სიტყვები,
იღვა და თაფლს მშვიდად ელოდა.

— აღვილიდანაც რომ არ იძვრის?!
მე შენ ვასწავლი ქკუას. ბზზ! — დემფუქ-
რა ისარა პატარა გოგონას და პირდა-
პირ შუბლში ეტაკა.

— ღედა! — დაალო პირი მზიამ და
ხელები შუბლზე იტაცა.

— რა იყო, შვილო, რა დაგემართა! —
იკითხა შეშინებულმა ბებიამ, როდესაც
მზიას შუბლზე უშვეკლებელი კოპი დაი-
ხანა.

— ფუტკარმა მიკბინა! — შესტირა მზიამ
ბებიას.

— არა უშავს, შვილო! წამოდი, ახლა-
ვე შაურიანს დაგადებ შუბლზე და ეგ
კოპი დღესვე გაქრება.

— რა ბოროტი ყოფილა ფუტკარი!
მე თაფლი ვთხოვე, იმან კი მიკბინა!!

— უი, საწყალი, ისარი შენს შუბლში
ღარჩნება; მოკვდებოდა საცოდავი.

— ამომიღე ისარიი! — ტიროდა მზია.

— არც კი გრცხვენია მაგოდენა ქალს
ფუტკარი ისე მოკვდა, რომ ხმაც არ
ამოუღია და შენ კი ამ პატარა ნაკბენის
გამო ქვეყანა შესძარი. მოიცა, ჩემო პა-
წიაგ, მოიცა, — დაალო შაურიანი ბებიამ
მზიას, ზედ ხილბანდი შემოაკრა, კალ-
თაში ჩაისვა და ალერსი დაუწყო, — აი,
მე შენ ახლა რძეს დაგაღვივებ, ნამ-
ცხვრებს გაქმევ, ტკბილელს მოგცემ და
მერე ბაღში გაგასეირნებ.

— არ მინდა, არ მინდა! — სლუკუნებ-
და მზია.

— თუ გინდა, გიამბოზ როგორ ამზა-
დებს ფუტკარი თაფლს, გინდა?

მზიამ თანხმობის ნიშნად თავი დააქნია;
უსმენდა ბებიას მზია და ტირილისა-
გან დაოსებულს თვალები ელოლებოდა.
ბოლოს ჩასთვლიმა. თან ეძინა და თან
თითქოს ბებიას ლაპარაკიც ესმოდა. ამ
ძილ-ღვიძილში მზიას აი, რა დაესიზმრა...

— ბზზზ! — ბზულით მიიქრა მზიასთან
ფუტკარი, — დეკი, შე მძინარავ, ჩვენ გა-
თენებიდან დაღამებამდე დაულოლადად
ვმრომობთ და ამას კი, ვერ უყურებთ,
როგორ ხვრინავს. ბზზ! აღეკი მალე! მა-
ლე წამოდი, თავდადებული ისარა რომ
გამოგვცალებ ხელიდან, როგორ გგონია,
გაბატეებთ?!

— თავი დამანებე! — ტირის მზია, —
მე იქ არ წამოვალ!

— როგორ თუ არ წამოხვალ! მამ
ისარას მაგიერ ვინ უნდა იმუშაოს! აღე,
თორემ გიკბენ.

— მიკბენ და მოკვდებიი... — სლუკუ-
ნებს მზია.

— არ მოკვდები. განა მეც ისარს შიგ
დაგიტოვებ... გიკბენ და შენც ფუტკრად
გადაგაქცევ.

ერთგულა თავგამოდებით ებრძვის
მზიას; აი, შუბლზე დააჯდა, აი, უკბინა
და მზია ხელავს, როგორ თანდათან პა-
ტარავდება, იყურება ხელებზე და ხელე-
ბის მაგიერ ფრთებს გრძნობს; აი, ექვსი
ბანჯგვლიანი ფეხი გამოება. აი, უგრძელ-
დება ცხვირი და ბანჯგვლიან ხორთუმად
გადაიქცა; ორი უღვაშიც აქვს ახლა
მზიას, წელში გაწვრილებული ტანიც.
აი, მზია ერთგულასთან ერთად გაღებუ-
ლი ფანჯრიდან გაფრინდა. ერთგულა
უალერსებს მზიას:



— აი, ახლა კარგი ხარ; კარგია ფრენა?
— კარგია.

— აი, ჩვენი სკა. უფურცე საწყალ ისარას, როგორ გდია მიწაზე! თავი გასწი-
რა საერთო საქმისათვის.

— რა ეგონა იმ უქნარა გოგონას: თაფლს
რომ გვთხოვდა, მიეცემდით?! — სულ
ადარ ახსოვს მზიას, რომ ის უქნარა გო-
გონა თვითონ იყო და საშინლად ბრა-
ზობს. — აბა, კიდევ ვაბედოს აქ მოსვლა,
უუჩვენებთ სერის! ხომ ერთგულავე?! სა-
წყალი, საწყალი ისარა!

— მე და ისარა შარშან დავიბადეთ
შემოდგომაზე. მთელი ზამთარი სკაში
გავატარეთ და გაზაფხულს სიხარულით
შევეხდით. შემოდგომაზე დაბადებულ
ფუტკრებს უფრო ხანგრძლივი სიცოცხ-
ლე გვაქვს, ზაფხულში დაბადებულები
კი სულ ექვს-შვიდ კვირას ცოცხლობენ
მოდი, შენი ფიჭა გაჩვენო.

ორივე სკაში შეძვრა. მზიას თაფლისა
და სანთლის სუნი ეცა. სკაში ბნელოდა,
მაგრამ მზია მშვენივრად ხედავდა ყვე-
ლაფერს.

მის წინ კედელივით აღმართულა სან-
თლის ფიჭა, მას უამრავი ფუტკარი ეხვე-
ვა. ზოგი თაფლით ავსებს უჯრებს, ზოგი
ჭუბრებს კვებავს, ზოგი კედლებს ასუფ-
თავებს. ნამდვილი შრომის ზეიშია.

— აი, ამ უჯრაში ის ქუპრია, რომელ-
საც ისარა კვებავდა. მოშენია საწყალს.
აბა, მალე გავფრინდეთ და ჩვენს ქუპ-
რებს „რძე“ მოვუტანოთ.

ისინი სკიდან გამოძვრნენ, ფრთები
შეისწორეს და ნექტარის მოსატანად
გაეშურნენ.

მიფრინავენ მხარდამხარ მზია და ერთ-
გულა და ხედავენ, როგორ ეპატიყებიან
მათ ყვავილები.

— აი, რა ლამაზი ყვავილია! — ამბობს
მზია. — მოდი, ვესტუმროთ.

— არა, ეგ ლენცოფაა, ჩვენ მაგის
თაფლი არ გამოგვადგება, — უპასუხებს
ერთგულა, — ოჰო! შეხე ერთი, როგორ
ცეკვავს ჰაერში ჩვენი ფრთამალი!

— ალბათ შრომა არ უყვარს და ცე-
კაში ატარებს დროს, არა ერთგულავე?

— არა, ჩვენ წესად გვაქვს ერთი რამ:
თუ რომელიმე ჩვენგანმა მიაგნო საკე-
ბით მდიდარ ადვილს, ის იქიდან უნდა
ცეკვით დაბრუნდეს და სხვა ფუტკრებიც
გაიყულოს, რომ საკევის ძებნაზე ბევ-
რი დრო არ დაგვეხარჯოს. ფრთამალი
მაგ საქმის ოსტატია. აბა, გვაყვეთ.

მზიას და ერთგულას ბევრი სხვა ფუტ-
კარი შეუერთდა. ისინი სწრაფად გაე-
შურნენ იქით, საითაც ფრთამალი მიფრი-
ნავდა. მალე მათ წინ უშვებელი ცაცხვი
გამოჩნდა. ჰყავოდა ცაცხვი. ირგვლივ
მშვენიერი სურნელება იფრქვეოდა.

— ოო! ცაცხვის თაფლი განთქმულია.
რა განძი უპოვია ფრთამალას!

ორივენი ცაცხვის ყვავილზე დასხ-
დნენ და ხორთუმი ნექტარით სასვე სურ-
ნელოვან ბუტკოში ჩაყვეს.

— არიქა, თავს უშველე! — შემოესმა
მზიას ერთგულას ხმა. — კვირიონი! კვი-
რიონი! ერთ წამში გადაგვსანსლავს.

მზიამ დაინახა ჭრელი ჩიტის, რომელიც
მისკენ ელვის სისწრაფით დაეშვა, ჩიტმა
გააღო გრძელი ნისკარტი და... მზიამ
თვალეები დაჰყიტა.

— კვირიონი! კვირიონი! — შეჰყვირა
მზიამ.

— ჰოო, კვირიონს გეუბნები, — მიუა-
ლერსა ბებია, — ძალიან ლამაზი კია,
მაგრამ მეტად მავნეა: ფუტკრებს მუსრს
ავლავს.

— მშია! — თვალეები მოიფშენიტა მზიამ.

— ახლავე, ჩემო მტრედო! — წამოდგა
ბებია და მზია გაშლილ სუფრასთან
მიიყვანა.



მარი ლიხაილი

თხილაობა

ქეთინოს სოფლის გაღმა მოჩანს მაღალი, შიშველი კლდე, კლდის ძირში დიდი ვაკე და შეფერდილი ადგილები დაფარულია თხილნარით, რომელიც ყოველ ზაფხულს ბევრ ზავს იზიდავს.

ერთ დღეს ქეთინომაც შეკრიბა თავისი უბნის გოგო-ბიჭები და გადაწყვიტეს, რომ მეორე დღეს თხილის საკრეფად წასულიყვნენ.

შის სხივები ჯერ არც კი ჩანდა, რომ ქეთინო თავისი ამხანაგებით მდინარის საცალფეხო ხილით გაღმა გავიდნენ. ზაფხვებმა გზა განაგრძეს ტყის წყაროსაკენ, იქ ისაუბმეს და შეესივნენ თხილნარს.

თხილი უკვე კარგად იყო დამწიფებული. თუ ცოტა ფრთხილად არ მოსწევდით, მწიფე თხილი სულ ძირს, ბუჩქში ჩაეშვებოდა და ტოტზე კი მხოლოდ ჩენჩო შერჩებოდა. ეს თავიდანვე შენიშნეს ზაფხვებმა და ახლა ფრთხილობდნენ.

სიამომდე რამდენჯერმე შეისვენეს. ერთმანეთს შეგროვილი თხილი ანახეს, კისრები დაილოდათ მაღლა ცქერითა და ყბები კი — თხილის ტეხით. ბოლოს დათვალეს, რამდენი ჩურჩხელის თხილი ჰქონდა თითოეულს შეგროვილი! გადაწყვიტეს, დღეს ამას დასჯერებოდნენ და სოფლისაკენ დაეშენეს; ახლა ფხვდა ფხვ გავიდნენ მდინარეში და იცით, რა მოუვიდა ქეთინოს?! მდინარის შუა კალაპოტს რომ უახლოვდებოდა, ფეხი ქვაზე გაუცურდა და ის იყო ხელებგამილილი წყალში უნდა ჩავარდნილიყო, რომ უკანიდან წამოეშველნენ მერაბი და მარო.

ქეთინომ თავი შეიმავრა, წყალში აღარ ჩავარდნილა. მაგრამ ამ ტორტმანზე წელზე შემოკრული ზონარი გაუწყდა და მთელი დღის ნაკრეფი თხილი კაბის კალთიდან წყალში ჩაეშვა. ქეთინო შე-



წუხდა, შეწუხდნენ ამხანაგებიც. ბიჭები წელიდან თხილის ამოკრეფასაც კი შეეცადნენ, მაგრამ რალს უშველიდნენ.

სიჩუმე მელანომ დაარღვია.

— მეგობრებო! რა მოხდა? თხილი მხოლოდ ქეთინოს ჩაუცვივდა წყალში, დანარჩენებს ხომ არა? აი, ჩვენი თხილი! ყველამ მოვაკლოთ ჩვენსა იმდენი, რომ ქეთინოს შეუგროვოთ 30 ჩურჩხელის სამყაფი, ამით ჩვენ ბევრი არაფერი დავაკლდება, ქეთინოს კი თხილი ისევ ექნება.

ყველა სიამოვნებით დაეთანხმა მელანოს.

ქეთინო უარზე იღვა, როცა ამხანაგები თხილს სთავაზობდნენ. მაგრამ აბა, რა გაუვიდოდა თავდადებულ მეგობრებთან! ამხანაგები ადგილიდან არ დაიძრნენ, სანამ ქეთინოს კალთა არ აუცხეს და მხიარულად გაუდგნენ შარავზას სახლებისაკენ.

18/105

5.21/24.

ძეგვის თავედასაველი

ნახატები პნ. კანდალაქისა




1. ძლიერ გვანდნენ ერთმანეთს ცმატუნა და ბაკია, ერთი იყო ზარმაცი და მეორე პრანჭია.



2. ერთხელ დილით ზარმაცი გააღვიძა რადიომ, და ძმას უთხრა: — ჩემს ნაცვლად სკოლაში უნნ წადიო.

3. დაეთანხმა ბაკია, თავი მალლა ასწია, გადიცვა ძმის ფორმა და სკოლისკენ გასწია.



4. მაგრამ როცა დაფასთან ხან „დასცხა“, ხან „სციოლა“, პასუხს ვერ ახერხებდა და ცრემლები სცვიოდა.



5. შინ მისვლისას ძმას უთხრა: — ზარმაცი ხარ ნამდვილი, მასწავლებლის უცდენა არ ყოფილა ადვილი!

ყდის მხატვრობა გვეთვინს რ. ცუცქერიძემ

| გამომცემის ოცდამეშვიდე წელი

ფასი 2 ზან

რედაქტორი იოსებ ნონეშვილი. სარედაქციო კოლეგია: გრ. აბაშვიდი, ეკ. ბურჯანაძე, ი. გრიშავილი, კ. გვაგავილი, მავულა მრეფელიშვილი (რედაქტორის მოადგილე), რ. შარვაში, ი. ხიხარულიძე, ნ. უნაჭყოშვილი შ. ცხადაძე (სამხატვრო რედაქტორი)

Д И А — ежемесный детский журнал ЦК ЛКСМ ГРУЗИИ № 9, Сентябрь, 1964 г. Тбилиси, Ленин 14. საბლიტვაში. რედაქციის მისამართი: თბილისი, ლენინის 14, 3 სართ. ტელ. 8-87-88 გამოშე. შვედ. № 968 სტამბის შვედ. № 1191/2078 ტირაჟი 16.000 ვე 09165 ნაშტი ანაბობილა პოლიგრაფიონანტ კოუნინტრ-ს სტამბაში, ვენილი დაბეღლილა ოლქტის სისტემის მანქანაზე პარია ფოტოკვან სტამბაში.